



Rabu, 05 Juni 2024
Ogen : Masmur 65:10-14



Ersurak Perbahan Rjahna



Asum Dibata nggo dung nepa langit ras doni rikut ras kerina isina, maka Dibata labo ngadi ras mpediat tinepaNa ndai erdalan bage-bage saja. Tapi kenca Dibata nggo dung nepa si nasa lit, maka IA erbahan sada *providentia Dei* e me pemeliharaan/ penyelenggaraan ilahi. Adi i bas tradisi Katolik, kerina tinepa puna kiniulin ras kesempurnanna tersendiri, erkiteken ia lit i bas tan si Nepasa, tapi ia lit i bas "tengah dalam" menuju ku kesempurnaan si terakhir. Janah kita manusia ipake Dibata guna ertanggung jawab ikut i bas pemeliharaan e. I bas tradisi Protestan, lit penekanan ku bas unsur masa depan arah penyelenggaraan Ilahi enda. Kata kerja arah *providentia* e me *providere* si ertina memandang ke depan, ertina maka Dibata nggo leben nikapken kerinana i lebe. Hal enda me si iidah dengen si igejapken Daud kerna pemeliharaan Dibata nandangi doni enda. Dibata mereken udan ku doni enda dengen taneh pe jadi mehumur gelah mereken asil. Baluren idemi alu lau, taneh si enggo itenggalai inengnengi alu lau, alu lau megabur taneh, piahna erbahan kerina sinuan-sinuan ertunas dengen erbuah. E me pasu-pasu Tuhan nandangi tinepaNa terkhusus si isorot Daud e me sinuan-sinuan si peturah pangan. Daud mengidentifikasi sinuan-sinuan e bali ras manusia, maka sinuan-sinuan e pe ersurak dengen rende perban riahna ngaloken pasu-pasu Dibata. Adi i bas Masmur Daud enda, sinuan-sinuan pe ermeriah ukur ngaloken pasu-pasu Dibata e me lau guna erbansa ia turah dengen mereken asilna, uga maka kita manusia si enggo ipasu-pasu Dibata alu nikapken kerina sumber daya alam si tading ikelola ras idahiken kita, megati denga la ermeriah ukur ibas kegeluhen enda? Ingetlah siikatakan CS Lewis "*Ketika kita kehilangan satu berkat, yang lain sering kali secara tak terduga diberikan sebagai gantinya.*"